

耦

耕

堂

集

耦耕堂集詩卷中

贈徐君按曲圖歌

徐君神宇和且清翩翩濁世稱達生但持一杯
蟹螯滿能揮萬事鴻毛輕自言百年在行樂千
金買歌恣權謔尊旁二豪與七貴醉後五白兼
六博寧藉疏家有賜金那識洛陽無負郭烏雀
門中結駟來蛟龍壁上纏頭作少小當筵喚奈
何年來老盡怕聞歌君家歌兒動心鬼半齒已
覺寬慳慳暗思沉吟還絕倒恰侶看花被花惱
空惹顛狂氣味存難遣歌詞風格老九齡十齡

解音律本事家門俱第一黃口天教與擅場白

頭自歎曾入室金陵洞房今老大柘湖歌臺久

蕭瑟

秦淮汪景純雲間何柘湖家並有女樂

憑誰寫向丹青裏如

畫天魔嬈居士髣髴花間按曲時恍欲揚蛾發
皓齒便上九天歌一聲不惜此聲無此耳

周曜卿家清明植梨花海棠至六月梨花

盛開邀客賦之有贈

清明院落夜溶溶
窈窕花讓靈叢亂攪三眠
飛絮白浪攙百子
石榴紅燒殘高燭
東風後掩却重門
細雨中閑向花閒
歌法曲應憐江海白

頭翁

嚴仲木邀同小飲月下卽事

堂虛延返景月出過前村倚戶方燃燭焚香已
命尊朋來欣有會夜美欲無言歸處何愁遠輕
舟可到門

再過孫子喬松韻堂卽事

半空鸞嘯領鴛雛高興偏宜狎野夫十里風荷
邀度曲一餅霜菊對呼盧狂來不覺誇年少癡
絕何嘗怯酒徒銀燭青絲許乘興夜筵枕席爲
儂鋪

周叔夜畱酌有贈

秋水浮舟小市通茅齋竹嶼隱牆東過橋野色
牽蘿幄入座幽香倚桂叢玉粒捺抄雲子白碧
瓢瓜副水晶紅君家自有醇醪味正在傾筐倒
度中

題郝振公梅花草堂

竹寒沙碧堂成處移得官梅遶屋栽未到花時
隔窗坐恰當人日寄詩來出郊路熟香篝早
冷春生水正回湖畔垂垂天欲雪鄉愁驛信兩
相催

何人曾送草堂貲幾首巡簷索笑詩東閣去逢
春動候西溪邀宿月明時山空翠袖禁寒薄雪
緊青燈放焰遲煙角霜鐘斷消息窻前一夜爲
相思

甲戌元日聞雞警悟一首

風雨山樓雞喔然一聲中夜感流年春生栢子
心枯後香到梅花鬢雪邊赴壑虵難遮尾住脫
池魚好救頭燃心空惟有龐居士解得饑餐與

困眠

領聯夢
中得句

張翁携酒見過用前韻

西郭端居已嗒然野人爭席不知年遠梅晴昊
移筇外斜日林丘到水邊池面薶苔連土氣松
頭蕪酒帶花燃與闌纖月沿歸艇正值陶公欲
醉眠

送侯豫瞻謁選二首

別酒郊端幾白頭憐予一水尚遲留故園芳草
遙相贈驛路梅花可自由旋理輕軒迎色養早
紆長策靖邊愁十年歸詠嘗甘地闕說烽來近
宿州

十見家園春草芳才看通籍謁明光驂驪道路

爭年少烏鳥庭闈戀日長衣上不勞慈母線禁
中猶憚直臣章欲知世美承顏在圖史從來許
范滂

花朝譚文學載酒看梅復邀汎舟夜歸卽

事

仙侶移舟晚更邀興來東閣是今朝竹間老樹
苔花活池上繁枝雨點消薄暝酒香延頰洞嫩
寒雲白護岩堯迴船秉燭何愁遠拂水崖當第
五橋

山莊逢林若撫話舊次韻

家在閩門君易知專諸巷陌過要離何當拂水
停舟日却話寒山把臂時三月作晴還作雨一
番成喜又成悲荒臺冷社亡煙火惟見湖橋楊
柳絲

汎湖和林若撫韻

芳節陰晴絃管知春湖如酒汎流離迴船逆浪
生寒後秉燭遙山到雨時良會厭厭惟有醉清
愁冉冉不無悲嬌鶯何事工催淚迸盡風絲與
麴絲

三月晦日過張子石甯宿同茂初兄作

曉雨看消巷陌塵。茶香次第酒清醇。深房散帙
仍畱宿秉燭爲懽。又送春憑仗風流。嗜腹容料
量詩酒白頭人。明朝更逐東園會。蔬筍盤筵不
厭頻。

雨後王山子見過次韻二首

臥雨空園思不勝。晚風斜日一枝藤。眼明樹下
無花片。頭白崖巔有瀑凝。取次開簾通社燕。等
閒趺坐話林僧。朝來也擬携筇出路滑。苔乾自
可憑。

石火光陰歎不勝。那堪兩鼠嚙枯藤。亦知鑿盡

還金體未到冰消覺水凝
靈運幾時當作佛丹
霞何處好依僧
涅槃一路門須出
牛鹿羊車總未憑

春暉園燈下看牡丹卽事

絲障銀燈夕未空
一枝猩艷爛鞞紅
暈酣妃子
華清露影動
寧王玉笛風
傾國莫將飛燕比
承恩曾引綵豪同
多情白髮仍愁絕
不省看花是夢中

四月二日過魯生家作

多年不復到南村
水木依然竹亞門
賸客舊題

留几閣故人兼味具盤餐鶯啼喬木知春晚蜂
遶藤花得日暄同上小航重笑語前溪織月正
黃昏

和韻酬黃蘊生二首

柴荆宴起客來初偏慰衰容久索居盡日長吟
才子句多時勝讀古人書墻頭新竹延高柳門
外清流映汗渠更約相從見披豁祗應扶曳埽
庭除

移家門向竹林中小院時聞松栢風來徃每思
同長老見知真媿自兒童

少嘗侍徐宗伯
公丘五丈于此汪陂

洵合稱顏子樗散何由比鄭公
來詩謬久欲淨
獎三絕

贈金孝子七十

隊魚猶記逐兒童三爵俄看拜老翁
賜帛總榮天子詔懷羹真得穎人風
神明烏欲巢冠上靈壽鳩行杖國中
六月披裘仍道路問年虛忝古希同

贈西鄰唐隱君

西家清池貫長薄中壘岑隅望青郭
仲長豈羨帝王門樊須自習丘園樂
春前土菘美如玉雨

後露茄甘勝酪鄰翁拾果換金錢溪鳥銜鱸佐
盃勺君家老兄山澤儒詩文咳唾成璣珠長篇
短句雜謔詠名君樂事世所無山中舊業今烏
有十年衣食常奔走歸來雖曰耦耕人兒女裹
西不餽口茅齋稻畦村巷東花時招我鄰舍翁
今年春秋富佳日藥闌芟沼連桂叢安得逐君
種魚翦韭仍披蔥不願吹竽列鼎兼鳴鐘

送侯豫瞻之南吏部

天上神仙吏江南佳麗都
解鄰桃葉渡坊帶莫愁湖
客座藏書牘官寮覆奕圖
江魚冬笋美寧

復戀尊鱸

和韻送國碁汪秀清同侯銓曹入京先東

所知

朱門何必異柴扃莫惜歸裝歲暮停官舍朝來
山氣紫秦淮雪盡柳條青歌傳水上迎桃葉棋
罷松根煮茯苓孫楚樓前思荷鍾春天當與斷
青冥

朝雲詩

買斷鈿紅爲送春殷勤料理白頭人薔薇開遍
東山下芍藥携將南浦津香澤暗非羅袂解歌

梁聲揭翠眉顰顛狂真被尋花惱出飲空床動
涉旬

城頭片雨裊朝霞一徑茅堂四面花十日西園
無忌約千金南曲莫愁家林藏紅藥香留蝶門
對垂楊暮洗鴉揀得露芽纖手瀟懸知愛酒不
嫌茶

林風却立小樓邊紅燭邀迎暮雨前潦倒玉山
人伴月低迷金縷黛如煙歡心酒面元相合笑
靨歌顰各自憐數日共尋花底約曉霞初旭看
新蓮

邀得佳人秉燭同清冰寒暎玉壺空春心省識
千金夜皓齒看生四座風送喜觥船飛鑿落助
情絃管鬪玲瓏天魔似欲窺禪悅亂散諸花丈
室中

城晚舟迴一水香被花惱徹只顛狂蘭膏初上
脩蛾睒粉汗微消半額黃主客琅玕情爛熳神
仙冰雪戲迷藏誰能載妓隨波去長醉佳人錦
瑟傍

青林隱隱數蓮開風渚翻翻一燕回選伎欲陪
芳宴醉携錢還過野橋來花間人迫朝霞見天

際雲行暮雨迴纖月池涼可憐夜巖城銀鑰莫
相催

針樓巧席夜紛紛天上人間總不分絕代傾城
難獨立中年行樂易離羣會逢銀漢雙星度真
見陽臺一段雲堪是林泉携手妓莫輕看作醉
紅裙

幾株門柳一蟬吟款戶幽花趁夕陰令我齋中
山岫響知卿塵外蕙蘭心瑤林迴處宜邀月秋
水湛時最賞音挈榼便追逃暑會天河拌落醉
橫參

今夕行甲戌七月唐四兄爲楊朝賦七夕
行十二夜復過余成老亭酒酣乘月納
涼舍南石橋上絲竹激越賞心忘疲因
和韻作此

七夕之夕明河新飛來烏鵲填河津今夕何夕
織女降南鄰玉盤過八珍綵雲翩躚入庭戶明
月自與幽人親李暮賀老並同舍彈絲吹竹無
昏辰一聲裂石衆譁寂四筵不勞錄事蹟白頭
當場自理曲向月吹簫教玉人玉人羽衣光靄
靄侶有霓裳來碧落香霧寒生半臂綃暗塵襟

解羅襦縛玉指參差送夜光雲鬟嬰媿聞宵柝
只云三萬六千是莫惜顛狂且行樂

送施司理之任武昌

半月武昌程樓船五兩輕幾行官柳在一道漢
江清隻鶴囊琴去雙鳧手板迎政成應內召簪
筆入承明

鄒二水知郡枉訪有贈

南臯公孫由汝
上流寓京口

荒江寒雨晴枉駕自斑荆避地今王粲憂時漢
賈生朝中思舊德方外挹高名聖主開東觀何
勞問長卿

秋雨端居有懷

百日全家藥裏間
不論風雨不開關
籬邊秋水愁中路
郭外春湖夢裏山
時倚餅花滋起色
漫懸梁月見衰顏
南村賸客如相憶
好就茅齋一宿還

病餘戲詠草花

鶯粟雞冠畫不成
神農漢使未知名
千年血漬丹砂在
一寸心灰縞雪生
望裏蜉蝣弦晦數
睡餘蝴蝶夢蒐清
天花散處宜蠲疾
不比文園露一莖

贈無染上人

抖擻人間萬境空
青山常住白雲中
蓮花根淨元離水
蒼蘂林香不碍風
明鏡幾曾留影相
醍醐何處著油蔥
本然清淨摩尼色
瞪目揚眉枉費工

九日同唐四兄遊鄴園留飲夜歸

佳節欣同少長遊
晚風斜日坐林丘
白衣自送杯中物
黃蘂何須插滿頭
湖上兩峰閒悵望
池邊纖月足淹留
人間此會休輕擲
細把茱萸緩客愁

重過牧齋拂水山居經宿遂撤新樓開窰
域復申墓田耦耕之約有述

隔歲寒梅壓路橫過年風檻紙窻鳴巖扉靜掩
涓涓戶山閣俄開鬱鬱城新表佇歸萃鶴語生
匆與悵白駒行松堂丙舍仍招隱投老看君誓
墓情

停雲次茂初韻

停雲藹靄雨濛濛相望經時滯迺翁莫往豈能
忘夙好聊淹俄復得深衷不愁急管哀絲迸且
甚殘年皓首同况值新知多道氣只言此地古

人風

和爾宗春讌卽事

歸舫夜發促春盤
少長肩隨各盡懽
花鳥婪春迎宿雨
天雲釀雪作朝寒
何嫌趨走同兒戲
便許風流比畫看
暈碧裁紅古來事
醉痕狼藉任闌干

正月十一十二夜雲生留余家與客連夕
酣歌醉餘夜深徘徊寺橋俯仰昔遊題
三絕句

傷心無奈月明橋
秋水橫波疑玉簫
十八回圓

天上月草芳何盡綠迢迢

經過無處不關情寺冷臺荒月自明相見解人

腸斷事夜深閒上石橋行

美人一去水連村風月佳時獨掩門今夕酒闌
歌散後珊珊邀得月中魂

沈彥深遺詩賞牡丹走筆柬和

今日殘花昨日新天涯無可寄餘春我爲江上
尋花客君是南鄰愛酒人鵝國鏡中嫌粉黛石
家樓上避芳塵繁華流水何須問且自高歌有

鬼神

爲仲淳弟題畫

空山啞啞號啼鳥辛勤哺母如哺雛天生孝慈
豈伊烏唐家有女曾乳姑長松半枯如屈鐵烈
風飄颻意騷屑至今烏號寒食時南山松下聞
啼鵙

宿南屏柬城中朋舊

南屏雲木晚蒼蒼潦倒交情未可忘藥裏春携
停楚帆山經秋寫屬吳裝寒燈正字風驅葉輕
筵斜題雨漏床林月池涼廿年地肯來隨意宿
僧房

宿延慶澄公房有贈

茶瓜畱客處
枕簟入林隈
好事貧懷素
能詩老
辨才床頭可磨鏡
樹下卽浮杯
彈指南詢日
何勞問劫灰

鄒氏新堂

世年重得上君堂
別啟垣扉早置床
古木含風傳午漏
高雲逗日送微涼
荷當勸酒嬌仍語
蕙與披襟快欲忘
且喜庭階見蘭苗
莫論春草憶池塘

秋晚汎湖

故人情味晚逾濃
落日移舟向兩峰
洪上風光同芍藥
郢中詞曲比芙蓉
西冷霞綺三潭月
北渚煙霜九里松
秉燭厭厭歌吹發
嚴城宵漏已聞鐘

九日用杜老韻

落托荷衣蕙帶寬
芳尊携就旅人權
漁汀自對鷓鴣杓
鶴髮從吹鶻鳥冠
紈扇蒼涼黃菊候
衰絲澗灑玉笙寒
南湖莫唱蕭蕭雨
醉後茱萸懶細看

題畫贈戚四丈八十

尊中有酒曾不留囊中無錢常不憂莫言八十
漸衰老叱咤可走千貔貅相逢掀顙但一笑意
氣尚欲橫九州少君十年慕禪寂吟詩北窻歎
何益老手猶堪戲貌君碧瞳爛爛霜顙戟

緬雲詩

綵雲一散寂無聲此際何人太瘦生香縱反竄
應斷續花曾解語欠分明白團畫識春風在紅
燭歌殘夕淚爭從此朝朝仍暮暮可能空逐夢
中行

抹月塗風畫有聲等閒人見也愁生聽鶯橋下

波仍綠走馬臺邊月又明芳草路多人去遠梅
花春近鳥斷爭殘更亡寐難同夢爲雨爲雲只
自行

朝簷天外鵲來聲夜燭花前太喜生婪尾冥收
燈放節掃眉人到月添明香塵瀆洞歌梅合斂
影差池宿燕爭等待揭天絲管沸綵雲絙定不
教行

梅飄妝粉聽無聲柳著鶯黃看漸生雷茁玉尖
梳底出雲堆煤黛畫中明不嫌晝漏三眠促方
信春宵一刻爭背立東風意無限祓暑珠壓麗

人行

十夕閒憲歌笑聲綠苔行跡見塵生亂飛花片
渾亡賴微露清光猶爲明豔曲傳來還共和新
圖看去不多爭遙知一水盈盈際獨怨春風隔
送行

昨夜風前柔櫓聲無情南浦綠波生飛花自帶
歸潮急落月猶懸宿舸明柳色曉分婁苑盡人
煙暗雜語溪爭春雲倏忽隨春夢難卜燈花問
遠行

夜半空塔細雨聲曉寒池面綠萍生悠悠春思

送萬法師

青翰舟移羽節紛傾都攀送紫陽君更從何地
逢黃石祇向家山禮白雲江上燃犀迴夜燭筵
前喫酒對朝曛軒轅自有驚人句莫漫輕聯鼎
軸文

和東坡岐亭勸戒殺詩

宰割性命軀烹燻膏營汁嗜欲逐羶腥如以水
就濕衆生造殺業果報自招得人死復爲羊佛
戒此甚急豪門榜殺戒繞寺收鷲鳥萬錢衆指
揮兩耳自遮幕不見屠沽林哀號日流赤難云

五淨肉不碍淨業白酬償恐不免毛角出冠幘
食肉乃食人此理宜悲泣况茲水陸產甘芳豈
云缺菓茹充伊蒲亦可羞上客堅持清淨戒普
願洗結集

餓鬼咽火燃洋銅迸鐵汁一聞設淨戒遂受甘
露濕若人求解脫非戒不可得是日少水魚救
燃頭最急姑援羊易牛月攘雞與鴨尚循有漏
因終怙無明羣當護淨摩尼遠朱自免赤當止
妙吉祥室虛自生白慘毒回慈悲髭紺化巾幘
永無相吞啖何用遽悲泣宿障自屏除戒珠元

不缺若入三緣斷是出三界客非遵決定誨何
由離苦集

張異度七十

昔人名園君嘯歌清風高柳森傴僂數年學易
知損益一代德尊長坎珂天僂日月白居易人
領煙波張志和漢庭徵書早晚下草堂夜鶴將
如何

一素未生一語分

一五

耦耕堂集詩卷下

送侯廣成奉母之官三首

自憐頭白在猶玷故交中又值芳春夜還傾一
笑同端居孤憤積感別贈言窮誰復橫金去清
貧念此翁

水石嚴陵郡風花泰伯城王程憑節物驛路逼
清明典學周三禮觀條漢列卿南州人侶玉一
一魯諸生

玉珥羣公子朱衣古老萊物華豐鏹氣品藻豫
章材溪暖蘭蓀茁山晴棠棣開衡文應 詔旨

將捧綵輿回

遊橫山宿桐塢

不知源遠近惟見暮山橫
徑僻樵音息林昏蕙氣清
燈搖風有暈磬寂夜無聲
心念明光所還疑宿化城

還硯歌萬曆戊申莆田翁吾鼎致綠端貢
硯庚戌將遊武昌質宗老景岑翁家戊
寅夏翁以見還余感其誼畫圖因賦此
歌

端州綠寶闕客傳白門收得三十千我初抱之

夜不眠枕上暗摸如流泉此物貢自南唐年宣
和墨鏤奚超煙一朝航海寶玉遷六丁攫入蛟
龍淵波紋周遭浪歎漩硯池水怪時蜿蜒偶然
往往出人世賈胡墨客矜欸製鐵網曳出珊瑚
叢光芒誤識金銀氣書生餘物不挂眼桓圭拱
壁應全未當時質之纔十千家人惆悵同儕儻
此意悠悠三十年何由突兀置我前青氈舊裏
仍宛然脫贈不須酬一錢世上罕有如君賢此
日何緣具子母昔人在者今誰慕髮髯猶思鮑
許儔死者山丘生圖牖若令見此應歎嗟再拜

持歸淚盈手老去心驚日月速年來漸學空諸
有奇貨閱人如傳舍惟保令名長不朽

久留湖寺得牧齋見懷詩次韻

望君搔首跋花宮忽墮詩緘慰野翁尚借青黃
文朽木何當琴瑟御焦桐物華難掩豐城氣天
意將開黨籍風早晚賜環明主德衰顏一握
笑顏紅

自古蛾眉歎入宮也多失馬塞垣翁人間歲月
私蟠木天上雷霆宥爨桐抱葉蟬吟園室兩倚
空鸞嘯半巖風屋梁落月疑顏色時見殘缸幾

穗紅

湖上五日對雨遣懷

故國家山有許重湖邊尊酒且從容百年未見
離憂盡萬事不如交態慵樹斷西陵失煙艇雨
寒草閣搖岑峰醉中浩歌忘白髮歸倚短簫聞
遠鐘

寶石山窻圖歌膠州張用之弟待之皆善
畫竹嘗客肅王邸摹賜本閣帖用之又
能寫照頂寓昭慶紫竹房占樓居之勝
莆田曾波臣在鄰房一時名勝晨夕嘯

歌一日卜潤甫邂逅乘輿卽席爲此圖

諸公復屬筆作歌時崇禎戊寅仲夏也

寶石浮圖天中起橫空積翠僧窻裏平生入眼
未曾有長日叩門來徒倚磊落宜同海岱賢風
流合映東南美膠西張生號也顛日揮于畝飛
雲煙嘗霑肅邸賢王醴曾給上方中使錢屏風
畫進仁智殿小弟丹青亦精繕偶然浪迹客江
湖不肯低眉謁州縣蒲陽波老顧虎頭鄰墻呼
酒同歌謳醉中拈筆互相酬三毛頰後知誰優
每逢佳士各寫真豈貌尋常行路人也知顛旭

能中聖又見曾元善養親

曾翁携令孫侍

朝來豪客氣

如雲袖中自携王右軍炯然冰壺貯寒玉入座

冷冽無藉薰大兒黃鬚不量力奮指扛鼎搖千

鈞

吳連叔長齋工詩携樂毅論真蹟自隨是日額兒愈閒嚮榻一過

吳中卞子

今勝流乘興躡展天台遊風雨夜宿西窻幽咫

尺點染成滄洲數子不用著生面一一羽化升

丹丘竄中一老胡爲乎醉後但聞歌烏烏潛蛟

蟄龍欲驚舞餘音散逐雲滿湖斜行淡墨更一

掃彷彿並作西湖圖

張卿子湯稚含汎舟看荷花同用風字

主客琅玕爛熳同快哉誰爲乞天公低昂霞綺
船頭浪狼藉波璃盃面風燭暑可忘吹大小析
醒那復辨雌雄飛花度水來何處折盡西陂勸
酒筒

代用風字

觴咏羣賢少長同冰心寒傍玉壺空烏迴漠漠
煙花際魚戲田田蓮葉東中酒遺形隨化蝶解
衣流盼送驚鴻新詩戲詠哀家美齒後冷冷侶
晉風

又代

西陂千挺野蓮紅，携得陶家六月風。
樵艇自須愁出入，歌船誰解辨西東。
難移画鷁牽花進，忽送嬌鶯度水工。
更打毆盤催蜜炬，主人清宴未知終。

題弄潮士女圖

搖蕩越江滄，春潮不畏深。
世間無可比，難定是郎心。

題畫送照可遊吳中

雷峰木落閉重關，新買西溪竹一灣。
便與梅花作常住，還隨乞食向他山。

雲在樓 謹爲四明陳柱史作

君家高樓入青雲雲來雲去長隨君簾卷東山
花演漾棟搖南浦波氤氳有時樓空雲盡雲亦
在知君自是無心雲油然膚寸天中起甘霖注
酒金門裏霍然萬里天宇澄太清寥廓無纖滓
世事床頭北牖風物情門外東流水君不作陶
家停雲懷人思幽獨坐客如雲汎松菊又不作
狄家白雲親舍望孤飛綵衣繞膝娛春暉裁春
雲製春服扶桑朝晞咸池沐莫教日暮江雲滿
春樹迷却長安望京處

口占送劉漁仲之鬱林任

蒹葭楊柳送雙旌
五嶺宜人獨桂城
今日逢迎滿天地
不須君到自題名

題畫寄吳巽之

世途逢迎如傳駟
惟君歲久能膠漆
藥盃猶推七箸加
鸚裘肯付歡娛畢
昨當五日嬉龍舟
君來蹒跚上酒樓
短簫橫笛急雨過
紅裙白袷清宵遊
自茲臥床無佳日
三月纔勝一巾櫛
百日全身衆苦攻
一笑兩日清光溢
臨行尚自愛余筆
點染侶得雲林逸
衰柳踈筠丈室中
知許何

人堪問疾

西湖逢曹莘野話舊

丁卯在金陵汪景純舊館教歌伎

廢苑荒臺楊柳生曾將艷曲教傾城畫衫鈿扇
今誰在無限西園坐客情

尊前猶見古秦青傳侶韓娥舊典刑千載傷心
事何限長流哀怨入青冥

題畫

勝事高情世罕無輕盈羅襪狎晴湖顛狂肯被
黃花惱自向風前畫白鬚

寄壽顧用晦五十

風流文藻玉山陞金粟長康未絕癡內史書成
肥遁早達夫詩好宿名遲聽鸚風日雙柑酒鱸
玉寒江一釣絲久憶小山饒桂馥攀留期醉菊
花卮

訪蕭伯玉時蕭繫舟瞿氏園

手笈殘編上小蓬石門斜日到丘中棹移戴客
山陰震舟繫滕王浦淑風放箸辛盤春韭碧停
盃蜜炬夜花紅自今來往無期約幽興時時在
灤東

和李孟芳山中話舊

常言數見便成親十載相憐病與貧拈出清詩
同諷詠嘗來白酒餽比鄰山中古櫟看爲社谷
口閒雲喜伴人殘臘簷梅初放萼尚堪索笑兩
三巡

除夕拂水山庄和錢牧齋韻二首

舊識園梅與迺蓬新泉照眼後堂中松明澗底
餘寒雪草色筵間上日風顏面過年梁月白歡
娛今夕燭花紅他時守歲招呼近只在藤蘿水
石東

聚首何嗟兩鬢蓬開懷且付百壺中辭寒未要

封條雪報稔先占夾國風守歲銀花飛水白朝
玄籠燭徧山紅去年今夕殘缸燼百鍊相思寄
浙東

元旦和牧齋韻

不嫌朱戶有蒿蓬且喜陽和轉谷中人語半空
山殿曉佛香匝地洞門風酒隨天意留青縹詩
與春光鬪碧紅况值朋來好乘興肯因瀆滑限

西東

時伯玉居西園
公復從南京來

同泰和蕭季公惜別扇前韻

四海遙憐客鬢蓬新知况在別離中燈燒野廟

千門曙帆挂祠山二月風老淚見花時欲墮衰
顏對酒不成紅相過何限論文意悵望茅堂隔
水東

趙叙州君夫人六十

安蜀方推第一功綦巾偕隱鹿門中雞鳴風戒
三朝養馬策新傳萬石風栢酒香濃春盆薄宮
袍花爛壽筵紅雙垂鶴髮重鸞誥燕喜如山象
服同

瞿稼軒五十

城裏青山屋角橫西園置酒北園行雪前看竹

甘龍蟄雲外聽松和鶴鳴千畝桐陰書帙散一
溪桃浪釣槎輕年來極會騷人意皇覽元知作
屈平

送別蕭伯玉

相知不在久旬月已情深能使優游者難爲送
別心時危防客路春遠念家林後會思何日君
其慰好音

四月同潘方孺鄭彥逸再過魯生適齋

經過已是數年餘又值清和四月初小艇漁灣
渾昔夢空梁歌館半成墟孤懷自怯看遺畫老

眼猶甘強細書他日村醕不須設祇嘗林菓摘
園蔬

贈得岍上人

綠陰如海晝茫茫埽地垂簾佛日長
沉水薰爐收宿潤洞山茗盃發新香
滄田桑變知僧臘白社蓮花卽道場
惠遠舊能招散客清風分與北
窻涼

弔劉長卿

二月山寒春雪飛病深莞席夜相睎
度阡越陌生芻晚問柳尋花昔夢非
烏几塵踪扁大宅白

頭清淚滿絺衣平生神理何由盡無復蹒跚一
款扉

和時聖昭韻兼酬劉元博

勞生真厭老來忙但喜殘年相見長禁火風光
春斷酒浴蠶時月夜春糧陶公日沒思燔燭仲
子辰佳可命觴獨愛幽棲身嬾動敢將衰病學
嵇康

再和東坡岐亭戒殺詩一首

西北罹兵難千里塗血汁東南汜小康尚思避
燥濕同此劫運中幸免何以得風氣感生殺報

應分緩急一爲机上肉剝斫等雞鴨一如幕上
燕炎暑傍巢羃北人逞射獵狐兔膏野赤吳地
倡放生魚鳥江湖白不見畿甸郊虔劉盡寇憤
宗臣百口殉官家九重泣當此兵難熾殺戒豈
容缺心爲大慈父永無過暴客卽入軍陣中所
居吉祥集

六月望巨冶師過訪無著亦至喜呈一首

草菴住近聞名久江館來稀適到初開茗始嘗

家陵味聽詩兼識武塘書

無著近同錢仲取遊黃山

荒庭月

齒齶呼酒蔬地秋新不鷓魚風雨霎知留客意

聚添溪漲滿堦除

張長卿七十生日爲作小歌

昔年南城隱遺老扣門待席無昏早總然風雨
亦褰裳同味道腴甘潦倒四十年來亡若人風
流并盡無此好長卿有德真若愚于人灼灼無
親踈平生不識齒雄進造次何須言退茹齊魯
堂上並翁媪頭角膝下趨孫雛祖孫交契惟我
在一觴此日爲歡娛當時唐兄擅月旦品隲人
倫輕藻翰孝弟家風獨未衰每見長卿背三歎

九日城南登高有述

昔同李長蘅
登眺于此

浮舟携數子出郭飲田家令節傳芳菊平塲晒
白花遙岑憑楚抹古堠帶溪斜俯仰餘陳迹風
流憶孟嘉

八月十五夜同考子作有懷海虞公

相看轉覺此生浮風月佳時不散愁烏鵲星河
千里夜暗蚤涼宇一年秋書回遠道無黃耳家
遠清宵總白頭還憶闌干秋水濶謝公無客自
登樓

池州何寤明投訪卽事有荅

九月虛堂蟋蟀幽閉門嘉客遠相求素琴當鄰

時陶寫破榻橫肱日臥遊徑接漁樵聊共適坐
逢珠玉若爲酬肯來不厭無供給賸有萱蘇可
散愁

送胡廣文之潤州

家山喬木接林園樂育陪京雨露緜曾入棘闈
搜寶玉近開矍圃得璵璠桑麻一曲鄰江浦黌
舍三山對海門胡瑗東南師道盛會看增秩領
新恩

除夕次牧齋韻

又看花信小樓前水態山容媚早年守歲正當

宵秉燭徂春猶愛陸居船
去年同舍弟居画舫度歲風光梅
盡俄今夕鄉井椒花自遠天
筋力故山嗟已盡
不須營著杖頭錢

元日漫興次韻

日嗟筋力不如前飽飯相隨得幾年
紗帽髻絲婪尾席玉簫金管兩頭船
已拖拂水來新築更
挿繡花向遠天若問揚州舊風月也曾騎鶴貫
腰錢

題畫松壽張翁七十

古松交柯如屈鐵
拔出千尋勢奇絕
杳冥盡欲

響風雷慘淡森宜下霜雪老人奮筆何鱗皴似
與張翁爲寫真孝哉張翁負奇節山海誠通金
石裂六尺甘投饑鱷涎隻身直蹈蛟龍穴朱衣
夢感島神訴素旂夜號陽侯滅萬死曾將白骨
歸殘生尚剩蒼頭說七十兒孫競綠衣知我水
墨能通微草木長年何足道如翁之賢真古稀

次韻牧齋移居八首

城坳水轉見山窮一壑平分置此翁粉黛丹崖
排闥裏朱闌綠浪到門中言公巷北春泉黑老
子祠西日氣紅認取主人巢屋去不知城市與

新豐

舊館森然松括宮耦耕今在墓田東鶯遷北郭
求時鳥覩徙南溟語夏蟲烏鵲不勞三匝遠鶴
鶴仍占一枝同君家突兀千間厦大庇歡顏在
此中

出戶褰裳攬子裾絕甘分少肯畱餘未煩馬汗
曾充棟不及牛腰免借草裝衰舊氈懷半硯籠
藏退筆挈中書相隨種豆南山下草長苗稀計
已疎

烏皮凡在十年閒虛閣松聲鏤舊山南巷豈須

推大宅東頭只合借三閒未甘糞埽專除室不
作侏儒笑抱關却媿此身同社燕銜泥來去傍
人寰

百年一宿總遽盧樵悴何堪倚卜居秋水濠邊
問園吏桃花源上狎秦漁臥遊四壁神仙畫行
把殘編老易書屋上青山依舊色新泉冷冽味
何如

松上依依繫葛蘿仍便飲啄自山阿雉羹雖見
賢烹貴鷄享其如已養多衍衍不同忙處吐休
休須聽飽時歌林泉鐘鼎還天性淡飯吾年任

折磨

出郊士女曉闐然入宅圖書晚尚遷塵暗流蘇
晴散麴花明官道月生弦新收巧婦先當戶久
放胎禽自上船藥臼丹爐連巷陌移家端合有
神仙

幽棲心迹喜雙清擇木於喬處處鶯楊柳滿園
金谷曉桃花兩听石潭聲瀏灑舊宅公孫舞縹
緲仙家子晉笙好種琅玕成竹實九霄看下鳳
凰鳴

戲和徐爾從散遣歌兒二首

同牧齋次韻

稚齒新班出畫屏華堂卜夜已周星

初教成時
載酒侍郎

第同觀扮演
皆有長歌

風前破萼皆成子春後飛花又作

萍粉蝶過牆從引隊黃鶯度水見梳翎娛生須
作逢場戲莫惜當歌倚醉聽

扇底輕圓掌上颺黃金教盡亦何妨霓裳仙樂
拋空外白璧明珠委道旁華月不知歌席換綵
雲猶作舞衣揚惟餘一段風流話傳與他年齒
頰香

拂水值黃蘊生清明歸省感懷一首

山莊水步傍春華忽送歸舟起歎嗟唐老舍前

三月路沈郎闌畔一年花近來句好看餘子數
去杯寬尚幾家寂寂林塘寒食過紙錢枯柳亂
啼鴉

語溪邂逅楊孟公出諸畫像相示戲書一
絕

白下相逢三十年識君猶在數君前依稀貌得
冰心在舍露迎風日迥然

題梵菴種梅詩 爲梵孝上人作

語水城陰小佛堂
高花新竹短籬傍
要於逕曲通幽處
還與心清聞妙香
布地看成猗樹苑
乞

栽須問果園坊客來清淺黃昏夜沃取師家第一湯

送黃子羽之任新都

賢良出宰新恩渥 聖主親民德意深
綬綰錦江看製錦船過琴峽試彈琴
三年闕下無雙譽 千頃陂前不泮心
吳蜀帆檣通萬里爲邦計日
起謠吟

黃像之置酒園亭集同鄉諸君對兩口號
東園水木湛城闔選伎行厨洽衆賓
天與湖山供地主家鄰江海足波臣
林鶯細逐歌梁盡幕

燕飜回舞袖親夜雨不辭官燭秉倒君千斛雪
溪春

和韻

盍簪簇馬宴城闈里社交情忘主賓一部新鶯
詩國友百壺浮議醉鄉臣唐家綠水紅蓮早阿
縣麗蒼白髮親猶是清和桃李夜莫辭燒燭送
餘春

語溪客舍題畫

綠雲隨地遍桑麻雞犬聲中忽憶家省得一生
俱是客門前芳草卽天涯

題畫

初夏蘭堂始落成山榴石菊遶階生願將千尺
貞松獻少答三春寸草情

偶同畢撫之考子弟過呂仲音區居適聞
舉第四子漫咏志喜

水漲林亭客到遲充閭佳氣誕英兒白眉黏鳳
他年事青李來禽及此時問字子雲元嗜酒工
書阿買總能詩休嫌令節衝泥怯醉筆還成五
色絲

雨中九玄移舟相迎因得侍尊前麟賓先

生清言竟日漫咏題壁一首

積雨空齋次水門浮舟巡郭集華軒松蟠石戶

山雲起竹亞苔牆海氣昏閒傍玉壺知硯潤

開沖

藏古歛硯真舊坑品寒生水簟覺爐溫清真自可消凡鄙

世德君家未易論

送畢撫之

鄉國多年別荒江白首翁所嗟相見晚俱在薄
遊中破屋經秋雨輕帆上水風嚴灘新月好有
客未能同

劉太公上壽成放生社詩

參龍老翁南極精華佗倉公秦越并曾元不貴
三公養樓君能致五侯鯖趨走黃童傾白叟上
壽家家獻牛酒太公却埽自閉門與造物遊無
何有門前車馬羅賓朋釀錢輦帛堆金繒網開
周穆西池鳥林縱齊諸東海鵬救魚朝啣如意
寶呪蛾夜脫長明燈年年歲歲人增益千秋萬
禩終何極以至見聞不可思同壽西方無量億

題閱世水檻

爲錢龍門先生作

鑿牖臨風磴支簷踞水床
眼邊無俗物身外卽
川光地僻觀魚樂心空入鳥行
何曾看鏡裏徒

倚問行藏

同家弟考子過魯生郊居林僧送茶祖綏
僧筏載酒主人方持筆嚴藝菊特盛卽
事口號

南村秋水到門深蟹斷漁榔宛自尋烏帽煎茶
禪榻手白衣送酒故園心佛香盡日疑沉水丈
室諸天侶散金誰許淨名同問疾此身已在雜
華林

徐汝際七十新築東軒作詩貽之

添築三間傍水居蘆簾紙閣貯清虛花前掃逕

官舫揚帆順流東下余喚小漁艇絕流
從之同宿新店示黃山新詩且聞曾至
余家有題壁詩次韻一首

千里論文慙裹糧二僮一馬出相望未緣竟日
畱住客猶帶春星問草堂烏雀空庭無酒埽龍
蛇素壁有篇章吾廬不厭秋屈破屋漏新痕已
滿行

和牧齋宿方給諫舊館有懷孟陽次韻

歸來錦里夜留賓小築南漪狎所親塚上仙人
俱冥冥

昔鍊師孫小庵寓
此已卯化于虞山燈前兄弟總埃塵河

山邈邈生芻澗風雨綿綿別淚頻青眼新知今
白首經過何事不傷神

和牧齋過方大司馬故第次韻

司農里第昔經過出守勳名動兩河元老壯猷
歸國晚尚公殊錫入朝多饒吹鼓吹春開幕藥
益綸巾夜枕弋會看祁連新賜塚莫因時節問
堪羅

曹季野余掄仲招集古巖寺洗泉卽事

結伴携壺集小亭砂餅活火試中冷乳浮甌面
雪花白石現潭心天骨青遠山俗塵堪洗耳聞

窺容髮悔勞形當歌尚喜清狂在免使羣賢笑
獨醒

十一月十二再赴洗泉卽事

再約提壺坐翠微偶緣情話逗林霏已煩社老
持觴待先喜家童負水歸倒載接羅乘好月聞
鐘籃舉戀清暉自憐抱病支離叟猶喜重來興
不違

題畫送炤微歸蓮花峰啣石居

蓮花峰巒三尺雲飛鳥無聲人跡絕山僧冒寒
晨出山觸踏層冰跼坳裂遠來問疾剛一笑寒

缸結花如吐屑紙窻竹屋盡幸除騎隙光陰過

電掣故人遊山恨不俱愁我無緣上截業

海虞公語

屑微師云

八十衰翁老無力買勇扳躋強得得前推

後挽賴炤師環肘牽裾抱嬰襍穿崖捫壑歷确
攀十步迴頭五步息忽然坐我天門閒自怪憑
空生羽翼此時日下千崖赤相去牛鳴望喝石
崖松龍拏互相引林石人形如欲嚇庵前短垣
齊及肩道上清泉纔沒跡仰頭天都五千仞俯
瞰蓮溝十萬尺廿年茅屋落夢境方丈香厨共
禪席童童簷松樹初蓋冪冪煙林排畫壁來下

地爐火長活龕裏燈明磬方寂八月山寒苦風
雨有客夜投同軟語山芋煨來手自剝秋茅焙
出還親煑老人擁衾日僵卧小師蓮經晨夕課
開門忽報下方晴悄悄空中靈鵲過

耦耕堂集詩卷下